

مختصر منهاج القاصدين 25 - فصل في الإحسان بالمعاملة

محمد حسين يعقوب

اعوذ بالله من الشيطان الرجيم. بسم الله الرحمن الرحيم. الحمد لله رب العالمين. والصلاة والسلام على اشرف المرسلين. سيدنا محمد وعلى آله وصحبه اجمعين اما بعد فاولا انا احبكم في الله. واسأل الله جل جلاله ان يجمعنا بهذا الحب في ظل عرشه يوم لا ظل الا ظله. اللهم اجعل عملنا كله - [00:00:00](#)

وصالحا واجعله لوجهك خالصا. ولا تجعل فيه لاحد غيرك شيئا. ثم هذا هو الفرع الثالث من فروع مدرسة الربانية فرع التسجيل وفيه شرح كتاب مختصر من هذه القاصدين. هذا هو الدرس الساني والخمسون. من دروس التزكية وما زلنا في فصل - [00:00:21](#)

لكتاب اداب الكسب والمعاش. كتاب اداب الكسب والمعاش. وتوقفنا في آآ اداب الكسب والمعاش عند الجملة الكاشفة لهذا الباب ليست العبادة عندنا ان تصف قدميك وغيرك يتعب لك ولكن ابدأ برغيفيك فاحرزهما ثم تعبد - [00:00:46](#)

احنا كل باب كده عندنا لنا عبارة كاشفة. العبارة اللي بتكشف معنى الباب. احنا بنحوم في الباب ده حوالين ايه؟ فالعبارة الكاشفة لهذا باب ليست العبادة عندنا ان تصف قدميك يعني يقف تقف تصلي ان تصف قدميك وغيرك يتعب لك - [00:01:17](#)

وانما ولكن ابدأ برغيفيك فاحرزهما ثم تعبد يعني الكسب والمعاش عبادة ابدأ فعلا حضر فلوسك اغني بيتك استر عوراتك اطعم عيالك كفى بالمرء اثما ان يضيع من يعول ثم تعبد - [00:01:37](#)

وهذا الذي تفعله عبادة حتى اللقمة يضعها في فم زوجته له بها اجر. درهم تصدقت به ودرهم انفقته في سبيل الله ودرهم اطعمت به عيالك خيرهم الذي اطعمت به عيالك. انفقته على عيالك - [00:02:04](#)

لذلك ايها الاخوة هذا هو الاصل في هذه المسألة ولكن اذا اذن في ان تعمل وتكسب بيديك. ومن عرقك وتطعم نفسك فليس معنى ذلك ان تضيع دينك. وبدأنا في وضع الضوابط وكان الضابط الاول في الصحة صحة المعاملة ابيع ايه واشتري ايه؟ ثم الركن الثاني

المعقود عليه - [00:02:23](#)

العقد والمعقود عليه واللفظ ثم انتقلنا الى الامر الثاني. الامر الاول كان الصحة الامر الثاني هو العدل واجتناب ظلم في المعاملة.

ونعني بالظلم ما يتضرر به الغير وهو ينقسم الى ما يعم ضرره وما يخص - [00:02:49](#)

ايها الاخوة دائما اقول لابني واحنا ماشيين في الشارع وهو سايق العربية الواد دهو اللي بيخبط في الناس ده. يا ابني انت مش ماشي في الشارع لوحدك احنا ماشيين في الشارع جنب اي عربية من الناحية دي وعربية من الناحية دي وعربية قدامي وعربية

ورايا مش ماشي لوحدك بلاش انا اخبط في الناس كلها - [00:03:11](#)

لازم اعمل حسابي للناس اللي عابشة معي. فيجي كده انت لا تعيش في الحياة وحدك اذا كنت انت تاجر في تجار زيك. وفي اكبر

منك وفي اصغر منك. وفي زيك - [00:03:34](#)

فانت اذا كنت بتتعامل في سلعة السلعة دي بيتعامل فيها اخرون ايضا واذا كنت بتبيع وتشتري اللي انت بتبيع له ده ممكن في يوم

من الايام تشتري منه هي دي القضية فهم التعامل مع البشر - [00:03:47](#)

فاننا لما كنت بقول ان المرأة مصيبتها انها ما بتدخلش النار لوحدك اذا دخلت النار لازم تجر الراجل معها دائما المرأة اذا دخلت جهنم

لازم تقول الراجل معها زوجها ابوها اخوها ابنها المسئولة عنها وليها. فكذلك في - [00:04:05](#)

املك اذا حدثت خيانة فلا بد ان يجز احدهما الاخر الى النار هي دي خطورة المعاملة مع البشر عشان كده دائما يقولوا اللي عايز يتعبد

يروح فين في رأس جبل ينقطع عن الناس تخلص له عبادته - [00:04:27](#)

لكن المشكلة في التعامل مع البشر يأتي يوم القيامة بصلاة وايه؟ وصيام وزكاة وحج. ويأتي وقد شتم هذا وضرب هذا واكل مال هذا وسفك دم هذا خذوا هذه من حسنات وهذه من حسنات. هي دي مصيبة التعامل مع البشر ان حد هيجرك لجهنم - [00:04:47](#)

واخطر شئ يا جماعة في مزالم العباد ان الله لا يغفرها ممكن تقابل ربنا بكبائر وان زنا وان سرق؟ قال وايه وان زنا وان سرق لكن واحد له عندك عشرة جنيه لا تغفر لك. عشرة جنيه. عشرة جنيه يجي - [00:05:05](#)

وقفك يوم القيامة كده على باب الجنة على القنطرة اللي بينك وبين النار وبين الجنة يقول لك ما انتش داخلها غير لما تديني عشرة جنيه بتاعتي. ويومئها البنوك قافلة صح - [00:05:36](#)

ولا فتحة؟ اتسفت. ما فيش بنكنوت ولع. ما فيش ذهب ولا فضة ساح. امال التعامل بايه بالحسنات والسيئات. واللي بيوجعني دايمًا واحب ان اكرره على نفسي وعليكم ان اللي بياخد منك حسنات يا عم احمد - [00:05:46](#)

بياخد من الذ حسناتك يعني ايه يعني ممكن تكون صليت لربنا ستين سنة انت عشت لك سبعين سنة صليت ستين سنة لم تترك فرضا جيت تتحاسب الستين سنة صفوا عشرين. والاربعين طلعت واحدة رياء وواحدة باطلة - [00:06:15](#)

وواحدة كنت مشغول ما طلعتش منها بحاجة خالص سرحان في الاخر صف الستين سنة كام العشرين اللي هم بالاخلاص والمتابعة. لما يبجي ياخذ منك صلاة ياخذ مينين؟ من العشرين زي ما بقول لك كده من احسن اعمالك عشان كده ساعتها انتم مش مقدرين دي ان بياخذها من عينك - [00:06:45](#)

اقطعها من قلبك لان اللي بياخذ منه ده بياخذ ايه مش بياخذ من الركش ده بياخذ احسن حاجة خلاصة عملك هو ياخذ منها. ياخذ منه. هي دي المصيبة في التعامل مع البشر - [00:07:12](#)

عشان كده تلاقي ابراهيم النخعي يقول ايه؟ والله لو قدرت لاتخذت بيتا من حديد ليس له باب فاقمت فيه مش عايز اشوف حد ولا عايز يتعامل مع حد ولا عايز اتكلم مع حد ولا عايز اعرف حد ولا عايز حد يعرفني - [00:07:32](#)

هو ده عشان الانسان ينجو. اذا تعاملنا ودي ضرورة زي ما قلنا كده انت اذا كنت بتبيع فانت بتشتري. واذا كنت بتتاجر في غيرك ويتاجر فلذلك هذه التعاملات مع البشر خطيرة. خطيرة فعلا خطر - [00:07:50](#)

رهيب هذا الخطر الشديد هذا الخطر الرهيب في المعاملة انه بيودي جهنم عيادا بالله فاوول مطلب عجز والعدل المطلق. العدل واجتناب الظلم في المعاملة. انا ال متاكلش وعندي ثلاثة اربعة شغالين معايا عندي بشغلهم في التجارة نمرة واحد مزلمش - [00:08:10](#)

ادنى مش اعلى ادنى درجات العدل ان تحب له ما تحب لنفسك وتبغض له ما تبغض لنفسك دي الايه؟ للحد الادنى. في العدل. اتنين انا وانا بتاجر ببيع واشتري كان احد السلف عنده - [00:08:40](#)

دابة يريد ان يبيعه عنده حمارة عايز يبيعه فذهب الى السوق فجاء الرجل الذي يريد ان يشتريها فقال له اترضاها قال لو رضيتها لم ابيعها قال له حلوة العربية دي اشتريتها؟ قال له لو حلوة - [00:09:06](#)

ما كنتش محتاجها مين النهاردة بيقول كده هي دي العدل العدل كده انتك انت تحب له ما تحبه لنفسك وتبغض له ما تبغضه نفسك. تضع نفسك موضعه. تعال نقرا كلام - [00:09:28](#)

شيخ الشيخ بيقول ايه؟ العدل هو اجتناب الظلم في المعاملة. ونعني بالظلم ما يتضرر به الغير. قال رسول الله صلى الله عليه وسلم لا ضرر ولا ضرار. والضرر ينقسم الى نوعين ما يعم ضرره وما يخص ضرره. ما يعم ضرره مسل الاحتكار وهو منه - [00:09:44](#)

انهم؟ لما فيه من غلاء السعر وتضييق الاقوات على الناس وصفته ان يستكثر من ابتياع الغلات في الغلاء ويتربص بها زيادة الاسعار. فاما اذا دخلت له غلة من ضيعته وحبسها فليس محتكرا وكذلك اذا كان الشراء في حال الاتساع والرخص على صفة لا يضيق على الناس وفي الجملة تكره - [00:10:04](#)

تجارة في القوت لانه قوام الادمي. هذا رئيسين. وليس رأي مذهبنا وهيئة التجارة في القوت. القوت اللي هو الاكل والشرب يقول تكره التجارة في القوت. لان قوام الادمي ولا يسلم من الظلم. يعني سبحان الله العظيم لما كنت بقول في الحلقة - [00:10:30](#)

الحلقة اللي فاتت لما تيجي تبيع للناس رخص على الناس رخص السلع تقول لي ما اقدرش. طب على الاقل بص للي بيشتري من عندك المحتاج رخص له بص للي بيشتري من عندك اللي انت حاسس ان هو مش قادر خفض له - [00:10:50](#)

دي اقل ما فيها. قد يكون هناك ظلم في البيع لفنان او البيع لفنان حرج شرعي كبير جدا. المقصود هنا بالاحتكار. الاحتكار ان واحد يروح شاربي مسلا الرز اللي في السوق كله - [00:11:12](#)

ويمنع البيع فكل الناس تسأل فين رز فين رز؟ ما فيش رز خالص؟ يروح عامل الكيلو بتلاتة جنيه. وهو اصلا باتنين جنيه. هو ده الايه؟ الاحتكار. اما دلوقتي واحد بيشتري رز في الزمن ده اللي هم اليومين دول اللي فيهم الرز رخيص - [00:11:28](#)

بيشتري ويلكنه بعد ست اربع خمس شهور الرز بيغلق بيبيعه ما فيش مشكلة ما هواش احتكار. ليه؟ لان السوق فيه ايه؟ فيه رسل. وشراءه هو ان اشتراه ما هواش سبب في غلاء السعر. وانما هو كده كده السعر بيغلى حين يمر موسم آآ جني الرز - [00:11:46](#)

الشاهد ان الاحتكار حرام اللي هو ان يشتري السلعة ويحتكها وتبقى كلها عنده ويتحكم هو في السعر ده نوع من انواع الظلم العام القسم الثاني ما يخص ضرره نحو ان يثني على السلعة بما ليس فيها. او يكتم بعض عيوبها فيضر بذلك - [00:12:06](#)

وقد قال رسول الله صلى الله عليه وسلم من غشنا فليس منا ان يثني على السلعة بما ليس فيها. او يكتم بعض عيوبها سبحانه الله العظيم قلت لكم يجب يلزمكم ان تقرأوا ترجمة يونس ابن عبيد - [00:12:26](#)

او عبد الله بن عوف اللاتين دول اقرأوا ترجمتهما من كتاب سير اعلام النبلاء. مهم جدا انك تقرا ترجع له. كثير من الشباب النهاردة اللي بيقول انا مش عايز اشتغل. ليه؟ فتنة. التعامل مع النساء فتنة. لما ننزر ليونس - [00:12:51](#)

ابن عبيد. يونس ابن عبيد كان من التابعين من صغار التابعين يونس ابن عبيد كان تاجر خز وكسيرا ما جاء زكره وضربنا امسلة به تاجر خزي يعني تاجر ايه؟ حرير. وزي ما قلنا المرة اللي فاتت كان يبييع حرير الحرير عبارة عن مطرف حرير. المطرف اللي هو زي ما قلنا - [00:13:11](#)

بنسميه اليومين دول ايه تب وبيقولوا عليه حاجة تانية ها اه طاقة قماش هو ده اللي انا قصدي عليه. طاقة قماش. هو ده اللي يسموه مطرف خز. طاقة قماشة. فكانوا عادة بتوع القماش لما ييجوا يفرد القماش يروح عامل كده - [00:13:35](#)

فنشر مطرف الخاصة نشرها يعني ايه؟ راح زي ما انت عارف بيروح حادف الايه؟ التوب كده وفرده عشان يبهر الزبون فالشاهد ان يونس ابن عبيد نشر يوما مصرفا من خس - [00:13:53](#)

فقال احد جلسائه سبحانه الله فطوى المطرف وقال والله لا ابيع الم يصلح التسبيح الا ها هنا كأن اللي بيقول سبحانه الله بيايه بيحب السلعة للزبون. سبحانه الله! يعني كأن قماشة مبهرة يعني. فانت كده خدعته. قال لا - [00:14:10](#)

ما بعش ما بعش ورفض ان يبيع يونس ابن عبيد في مرة كان بيصلي رجع لقي ابن اخته كان يجلس في مكانه في المحل باع مطرفا كان عنده مطرب بعشرين درهم ومطرب باربعين فبقى مطرفا مما يباع بعشرين باعه باربعين. فقال له بعث مترفا باربعين - [00:14:32](#)

قال اذهب عشرين اين المشتري؟ فذهب يجري خلفه يبحث عنه في السوق حتى ادركه. قال يا بني يا اخي هذا المطرف بعشرين قال انا اخذته باربعين. قال هو بعشرين فخذ عشرين - [00:14:56](#)

قال لقد رضيته باربعين انا راض انه باربعين. عندي انا من وجهة نزي يستاهل اربعين. قال اما ان تاخذ عشرين او خذ اربعينك واعطني مطرفي نادرا ما تجد هذا الورع في التجار. البيعة صحيحة من حيث انها التراضي. قال سبحانه يا ايها الذين امنوا لا تأكلوا اموالكم بينكم - [00:15:12](#)

بالباطل الا ان تكون تجارة عن تواض منكم. بالتراضي نأكل حقوق بعض. بالتراضي بالتراضي. يعني انت راضي آآ اديك فلوس او اخذ منك فلوس بدون حسابات خلاص ادام احنا راضيين متراضين انتهت القضية. المشكلة في ايه؟ ان يبقى ما فيش - [00:15:34](#)

ما فيش تراضي. اللي ما فيش تراضي يبقى حقي وحقك فالراجل كان راضي به اربعين قال له لا هو وعشرين الشاهد انك انت لما تيجي تبيع سلعة لا تبالغ في مدحها وركز فوائدها - [00:15:54](#)

ولا تثني عليها بما ليس فيها ولا تكتم عيوبها. قال رسول الله صلى الله عليه وسلم البيعان بالخيار. فان صدقا وبينا بورك له لهما في بيعهما وان كذب وكتم محقت بركة بيعهما - [00:16:16](#)

اذا صدقت وبينت في بركة في البيع في كتمان يبقى فيه خزان. قال رسول الله صلى الله عليه وسلم يقول الله في الحديث القدسي انا سالس الشريكين ما لم يخونا. انا سالس الشريكين ايه - [00:16:37](#)

ما لم يخون. وقال صلى الله عليه وسلم من غشنا فليس منا. يقول الشيخ واعلم ان الغش حرام في البيوع وفي الصناعات. وقد سئل امام احمد عن رفو الثوب حتى لا يبين. قال لا يجوز لمن يبيعه ان يخفيه - [00:16:53](#)

يعني اه واحد جات له سجادة في وسط السجاد يباع سجاد هو والسجادة فيها قطر وادهاا للرف فرفاها ما بقتش باينة يجوز نبيعهها على كده؟ لا يجوز. لازم ايه؟ ابين. اقول ان دي - [00:17:13](#)

كان فيها قطع وانا عملته الحديث مشهور حديث من غشنا فليس منا ان الرسول صلى الله عليه وسلم ادخل يده في الطعام فوجد بللا. قال ما هذا يا صاحب الطعام؟ قال الصلاة السماء - [00:17:35](#)

قال هلا جعلته اعلاه حتى يراه الناس؟ خلي المبلول فوق. النهاردة كأنه من العرف عند ناس يقول لك بيوشش القفص. ان يضع على الوجه في الخارج فوق ويبقى اللي بيشتري عارف كده. عارف ان اللي تحته وحش واللي فوق - [00:17:50](#)

حلو لكن هذا لا يجوز ابدأ لا يجوز هذا نوع من انواع الغش والتدليس وينبغي للتاجر ان يحقق الوزن ولا يتخلص في هذا حتى يرجح اذا اعطى. وينقص اذا اخذ ومتى خلط العلاف الطعام ترابا ثم كاله فهو مطفف. وكذلك القصاب - [00:18:10](#)

طبعا الجزار اذا خلط عظما لم تجري العادة بمثله. وقد نهى عن النجش. وهو ان يزيد في السلعة من لا يريد شراءها ليغر المشتري. ونهى عن التسرية النبي يشهد اللي هو المزايدة اسمه ايه؟ المزاد. المزداد. ان انسان نيحي نقول يا جماعة الكوباية دي بعشرة قروش. اه مين يشتري؟ هو يقول خمستاشر - [00:18:39](#)

علي بستاشر علي بسبعتاشر علي بتمتاشر هذه المزداد حرام ده اسمه ايه؟ النجس ان واحد قاعد يزود في السعر من غير ما يكون هيشترى بس بيزود على الناس. وده الحاصل لما بنقرأ في الجرايد لما جم يبيعوا شقق ولا يبيعوا اراضي وده - [00:19:06](#)

يزود وده يزود ويزود حتى بلغت سعر الشقة او سعر الارض باضعاف اضعافها ولن تبلغ هذا لمجرد التباهي هو ده النجش. الحرام لا يجوز. التصرية ان لا يحلب الناقة - [00:19:26](#)

اتنين او سلاسة او الدابة فيمتلى ضرعها باللبن. فيبقى ضرعها كبير. فيبين كأن ايه؟ كأنها ضرعها كبير وتحلب كثير وهي ليست كذلك. فصل في الاحسان بالمعاملة. الامر الثالث في الاحسان بالمعاملة. كان الاول الصحة والثاني - [00:19:45](#)

العدل والتالت الاحسان في المعاملة. وقد امر الله تعالى بالعدل والاحسان فمن الاحسان المسامحة في البيع. والا يغبنه في الربح بما لا يتغابن في العادة. اما اصل المغابنة فمأذون فيه. لان البيع للربح. ولكن يراعى فيه التقريب فان - [00:20:05](#)

بذل المشتري زيادة على الربح المعتاد لشدة رغبته وحاجته. فينبغي ان يمتنع البائع من قبول ذلك فان ذلك من الاحسان ثاني يعني انا دلوقتي جبت سلعة وعايز ابيعها. يجوز انا اشترت الكوباية دي بقرش واحد. يجوز ان انا ابيعها بميت قرش - [00:20:25](#)

ما فيش مشكلة. قالوا لرسول الله سعر قال الله هو المسعر. قالوا له حط لنا نسبة هامش ربح. تكسب كم؟ عشرة في المية خمسين في المية خمسة في المية اتنين في المية قال دعوا الناس يرزق بعضهم من بعض - [00:20:44](#)

الله هو المستحيل. ربنا اللي سبحانه وتعالى بيعاقب الناس ويفتح للناس على قدر تقواهم لان غلاء الاسعار كان لنا خطبة اسمها الغلاء مش عارف فين عاديين دلوقتي. آآ غلاء المعيشة نعم. قلنا ان اللي يقول لك - [00:20:59](#)

الغلاء ده ظاهرة عالمية ده مش موضوعنا كمسلمين؟ احنا عندنا الغلاء ده غضب من ربنا غلاء الاسعار غضب لان ربنا سبحانه وتعالى توعده اذا الناس اسخطوه ان يغليه عليهم الاسعار - [00:21:16](#)

اذا تابوا ورجعوا ان يرخص اسعارهم فالشاهد ان انت ما اشتريتش سلعة وعايز تبيعها بعشرة قروش بعشرين قرش انت حر. ما فيش مشكلة. لكن اللي بنطالب به ايه الاحسان الى الخلق - [00:21:33](#)

انا نبهتكم في اللقاء الماضي الا ان اطعام الطعام مش للفقراء بس وللاغنياء انك تطعم اخوانك تعمل اكل وتوكل اخوانك ده مش اه ده
مطلب شرعي وفيه اجر بمعنى اننا دلوقتي زي ما بنعمل كرتونة لرمضان للفقراء. ممكن تعمل كرتونة برضو لاصدقاءك. وقرابيك حتى
لو كانوا - [00:21:51](#)

مشوارك بس متبقاش زكي ولا صدقة تبقى ايه؟ هدية والهدية لها اجر. اسمها صلة صلة الرحم الشاهد ايه كذلك نفس الشيء في
الاحسان الى الناس هذا الوجه عظيم جدا. رحمة رحمة الناس - [00:22:19](#)
ان السلعة تبقى انت قد لا تكسب فيها احيانا بل وترخصها انك انت تدعمها وتجعل فيها صدقة من صدقاتك كل هذا له اجر عظيم جدا
ليه؟ لانك انت هتبدأ تحكم السوق ان الامور كلها كل الناس تضطر انها تتوازن - [00:22:42](#)
اما الجشع والطمع واغلاء السعر فهذا بلا شك آآ يكره مش عايزين نقول يا احمد ومن ذلك انه اذا اراد استيفاء الثمن او الدين فيحسن
تارة بالمسامحة وتارة بحق البعض وتارة - [00:23:06](#)

الانزار وتارة بالتساهل وتارة في جودة النقد الاحسان في استيفاء الثمن. انت بعث لي سلعة وما قبضتس طب انا اتفقنا على ان تمنها
بعد تلت شهور ولا اربع شهور وقت ما جيت تاخذ فلوسك - [00:23:28](#)
قال تحسن بالمسامحة سامحه خلاص جه فين الفلوس؟ ما عنديش والله فلوس انا مزنوق اليومين دول. خلاص انا مسامحك مش
عايزهم. خليهم لك لله. او حتى ما تسيبهملوش لله سيبهم له واسكت سدهم سدهم ما سدهمش يبقى خدهم منه يوم القيامة -
[00:23:48](#)

لذلك احد اخوانا سبحان الله العظيم. له عند واحد عشر تلاف جنيه. هزه واقعية اليومين دول. قصص النهاردة يعني وعنده شيكات
باربعين كان عليه ثلاثين قبل كده عنده شيك بتلاتين وشيك بعشرة - [00:24:10](#)
ما دفعش العشرة راح اشتكاه بالاربعين ورفع عليه قضية هذا لا يجوز مطلقا. يقول طب ما انا رفعت عليه قضية بالاربعين بس طول
العشرة لما هأخذ العشرة وما اخدش الزيادة. لا يجوز اصلا - [00:24:32](#)
لا يجوز اصلا انك ترفع قضية على حد تحاكم للقوانين الوضعية لا يجوز تحاكم للطاغوت لا يجوز اصلا انك تدخل حد محكمة
لا يجوز قل لي وحقني. طوله باي وسيلة - [00:24:49](#)
وزي ما بقول له كده ولو ما طلتوش سيبوا له يا اخي مش الرسول ما تصلي عليه صلى الله عليه وسلم قال من انذر معسرا ها او وضع
عنه كان في ظل صدقته يوم - [00:25:09](#)

ولا ده كلام بس بنقوله يعني واحد مؤسر انزره يعني قال له خلاص اسيبك كمان سنة. او وضع عنه قال خلاص مش عايزه يبجوا
العشر تلاف جنيه دول مرصوين كده جنيهات ولا ميات وانت في ضلهم يوم القيامة - [00:25:24](#)
الجزاء ده مش كفاية؟ ما يستهوكش ما يستفزكش انك تعملها سامحه. قل لي يا اخي ما انا محتاج لهم اكثر منه. ما عندوش ندبجه
نقتله! ما معهش. لا معه معه بالعافية - [00:25:47](#)

معاه ومش عايز يدفع شغل قلبك وشاغل بالك ليه؟ في ستين داهية. كلمة بنتوارسها عائلتنا الله يرحمه جدي ثم ابويا كان يقول يا
ابني دي دنيا سبحان الله العظيم. هي دي. دي ايه؟ اذا عجزت في ستين داهية. هنجوع - [00:26:03](#)
ابدا لو كنت محسنا لن يضيعك ربك. قالوا له واحسن ها؟ كما احسن الله اليك. فان تحسن يحسن اليك. احبكم في الله والسلام عليكم
ورحمة الله - [00:26:30](#)